

國遠十

翰部齊

二

光緒丙申重刊
板藏湖北書局

國朝柔遠記敘

柔遠一書臣友王之春所輯也之春以文人兼武事馳驅江海間防北塘駐京口遊歷日本長崎橫濱於中外交涉事見閩周洽畝則博稽

國朝掌故凡有關於遠畧者提綱摘要殫歲月之功成爲是書誠撫遠之宏圖綏遠之良策也夫秦漢而還多事四夷往往兵連甌結爲累世隱憂卽勒石燕然山繫單于頸致闕下而財窮力竭得其土不可治得其人不可臣隋珠彈雀之誚所難免焉至若兩晉南宋已事率皆君臣翫泄養癰貽患自小其朝廷史冊所書千載下讀之猶令人髮指其罪烏可貸哉昔宣聖與魯君論文武之政於遠人則曰

列祖

柔誠以遠人不可遠恍之以威也遠恍之以威則彼必震動不安又不可故示之以弱也故示之以弱則彼必狡焉思逞此而求一至善不易之經則非柔不爲功且夫柔之云者非我之自處於柔也道在順其歸附之心而孚之以誠信則柔者益柔所謂變友柔克也化其獷悍桀黠之習而迪之以中庸則不柔者亦柔所謂高明柔克也今觀所編穆然仰見

神宗聲教四訖廣乾坤覆載之恩宏遐邇一體之量揚丕冒之仁於國外消反側之萌於無形用能梯山航海視遠如歸腹詠心歌無遠弗屆雖其間或剿或撫或戰或和不必盡歸

一致而變通盡利要皆範躍冶之金淘汰之以適於用閑
出林之虎馴伏之以安其常蓋自文武以後柔遠之政未
有若是之盡美盡善可以行久遠而無弊者臣奉

命巡視長江兼閱海防屢欲彙纂我
朝懷柔遠人之謨宣布

皇仁於中外且舉數百年來先後任事諸公成敗得失之數藉
資法戒期於臨事而不惑而簡練務煩苦無暇晷此書實
先得我心之所同然者故序以行之之春年甫強仕喜著
書皆切於時務異日才猷愈老識見愈深文章經濟當更
有進於今茲者則是書特其嚆矢耳

光緒八年仲春上浣

臣彭玉麟謹撰

嘗謂惟聖知幾亦惟聖因天天之欲合四海爲一家也幾早見於康乾之世幾見而先覺者我

聖祖仁皇帝

高宗純皇帝也因天而弗違者我

文宗顯皇帝也康熙三十三年俄羅斯遣使來朝

上諭外藩朝貢固屬盛事總當以敕甯中國培養元氣爲根本乾隆四十一年刑部奏駁李質穎讞英商獄不得其平傳旨申飭反覆數百言

兩聖人燭微洞遠若皆逆知後世之有洋務者非知幾其神乎道咸間海氛亟矣

文宗顯皇帝獨決大計社稷轉危爲安得以全力蕩平髮捻而海

外各國亦化干戈爲玉帛非因天弗違乎士大夫生當其
世出顛隲享承平上下數千年縱橫九萬里胸中不能無
感慨有感慨斯有論列有發明此柔遠記之所由作耳記
凡二十卷編年繫月採輯至當將使讀者於通商大局知
其所原起知其所滋蔓並知其所究竟甚盛心也雖然事
之原起當所聞世事之滋蔓當所見世而事之究竟則尙
在未來吉凶悔吝變動不居至可喜亦至可懼懼將奈何
心

列祖

列宗之心而已矣心

列祖

列宗之心奈何自治其內而已矣十數年前人事之杌隉既以因天心而挽回數十年後天心之福禍又將因人事而旋轉理固有可必者記有之日月所照霜露所隊凡有血氣莫不尊親在古人原非託諸空言在我

朝尤可見諸實事何以驗之卽於梯航重譯之十數國驗之蓋莫不尊親之幾已倪也於此時果能極深研幾以承天貺所謂柔遠人四方歸之

盛業不可以是編爲左券之操也哉

光緒八年歲次壬午仲夏月

臣

譚鈞培謹敘

語曰前事不忘後事之師也運會之變遷人事之旋轉雖智者憂深思遠不能逆料於先時而知其所究竟惟一以前事爲法戒而衷於至當不易之理則百世之下猶可以燭照數計而不事區區推測之私也易曰知幾其神中庸曰至誠之道可以前知蓋恃此矣我

聖朝豐功偉烈厚澤深仁丕冒海隅無有遐邇乃或膺重寄者罔知大體坐失機宜往事具存前鑒不遠此王之春柔遠一書所由輯也夫閉關絕俗之說無論在今日爲迂談也卽質之三代盛王亦豈狷然自好劃堂奧而守之謂聊固吾園云爾哉禹貢紀要荒周官有職方氏之掌明堂之位九夷八蠻如在幕庭故凡含生負氣之屬梯山航海翕然

古今之國勢自唐虞三代至秦而一變井田封建諸法蕩焉無存此一時也自漢唐以後至

國朝道咸中而又一變舉際天並海從古不通中華之國並梯山航海重譯來謁此又一時也斯二者皆天也雖然天不變道亦不變蓋至變中有不變者存焉論者僉謂天主耶穌諸教自明季闖入中土思奪吾堯舜孔孟之席吾謂不然蓋不特彼教不能奪吾堯舜孔孟之席且深幸堯舜孔孟之教將盛行於彼都而特自今日始何者堯舜孔孟之教爲天地立心爲生民立命乃乾坤所繇以不敝者也天地之生人爲貴薄海內外諸國皆人也皆可與入堯舜孔孟之道者也特自古不通中國又相去數萬里禮聞來

學不聞往教故不知有聖人未得聞其教耳天誘其衷以
互市故朋遊於中士而漸近吾禮義之教自當幡然大變
其故俗尙何慮其奪吾堯舜孔孟之席哉中庸不云乎惟
天下至誠爲能盡其性則能盡人之性能盡物之性物之
性且當盡況異域同在並生並育之中若聽其外聖教而
終失其性何以贊化育而與天地參乎天心仁愛聖人有
教無類必不忍出此也聖人之道譬如天地之無不持載
無不覆幬是以聲名洋溢乎中國施及蠻貊舟車所至人
力所通天之所覆地之所載凡有血氣者莫不尊親故曰
配天此正堯舜孔孟之實錄也其曰舟車所至則今日之
火輪舟車聖賢早知之矣此聖教將行於各國之大機括

也夫聖教在中國亦以漸而及也堯舜都冀州其時惟今
山西山東直隸河南陝西數行省爲中原餘皆要荒服也
孔孟時吳越荆楚尙爲蠻服宋以來三江兩湖閩越黔滇
川粵始大盛文學比鄒魯謂非聖教之自近而遠歟我
朝雍正中滇黔川楚兩粵諸苗猺改土歸流亦自開闢以來
始沾

王化至乾隆中新疆拓土二萬里則中土業已徧覆無遺繇是
可以及外國矣然則堯舜孔孟之教蓋漸推漸遠初無一
息之停也臣友王之春有見於此爰撰

國朝柔遠記白

世祖訖

穆宗朝凡懷柔泰西諸國之事蹟皆備紀之雖不無猗那先民之思然正以見

累朝聖人兼容並包如天之量天欲使堯舜孔孟之教自中國以施及蠻貊

列聖先天而不違故在二百年前卽已啟其機括蓋天地無外聖人無外故

列聖之包涵徧覆亦無外吾知百年內外盡地球九萬里皆當一道同風盡遵聖教天下一家中國一人之盛其必在我朝之

聖人無疑矣目下泰西諸國皆能識華文仿中制譯讀四子五經書不變其陋俗英國近有比遞斯尼教以躬行實踐爲

宗此卽堯舜孔孟之正教也彼其所謂天主耶穌希臘諸
教已自悟其非而遷喬出谷矣豈非自然之氣機動於不
自知

列聖早已啟其端哉之春又以己意撰蠡測卮言十三篇曰慎約
議聯與國廣學校精藝術固邊防修船政興礦利防漏稅
強兵力練民團禁販奴編教民論鴉片皆時務切要之言
語曰識時務者爲俊傑反是則迂儒俗吏而已當今日之
時勢強鄰相逼而來幾成戰國之局雖孔孟復生亦不能
不因時而立制以孔子固聖之時者也孔子陳九經曰柔
遠人來百工孟子極論交鄰之道已預知今日之時事此
十三篇者皆救時之急務也雖然有本焉富強其末也孔